

ZAPISNIK

Prva redovna sjednica Skupštine Udruženja Original u 2019.godini

Predsjednica Skupštine Udruženja „ORIGINAL“ za ostvarivanje i zaštitu reprodukcijских prava, Lejla Alić sazvala je drugu prvu sjednicu Skupštine za 2019.godinu na dan 18.6.2019.godine u Sarajevu, s početkom u 11:30 sati.

Skupština je održana u Sali Pliva u Hotelu Holiday, Zmaja od Bosne 4, Sarajevo.

Predsjednica konstatuje da ima kvorum (28 prisutnih članova) te da se sjednica Skupštine može održati. Predsjednica izvještava da su pristigla i 3 (tri) glasačka lista u odsustvu, koji će se pribrojiti glasovima po pojedinim tačkama Dnevnog reda. Glasove su dostavili redovni članovi sa pravom glasa: Hrvatski leksikografski institut BiH, Pavlović Ranko i Nerzuk Ćurak.

Za zapisničara je imenovana Lejla Gačanica, direktorica Stručne službe Udruženja.

Predsjednica Skupštine poziva Predsjednik Udruženja Goran Simića da se obrati. Predsjednik Udruženja pozdravlja prisutne prisutne i zahvaljuje se na dolasku. Osvrće se na prethodnu godinu rada, ističući izazove sa kojima se Udruženje Original susretalo. Smatra bitnim da je naplata naknada počela jer se time ukazuje na nužnost provedbe zakona koje imamo.

Predsjednica Skupštine se zahvaljuje i otvara prvu tačku Dnevnog reda.

Ad 1. Skupština je jednoglasno usvojila sljedeći Dnevni red:

1. Usvajanje dnevnog reda, imenovanje zapisničara i ovjerivača
2. Odluka o usvajanju revizorskih izvještaja za 2018.godinu
3. Predstavljanje Godišnjeg izvještaja Udruženja Original za 2018.godinu i odluka o usvajanju
4. Odluka o usvajanju korekcija Finansijskog plana za 2019.godinu
5. Odluka o prijemu u članstvo novih članova po pristiglim Pristupnicama
6. Ostala pitanja.

Ad.2 Revizorski izvještaji za 2018.godinu su urađeni u skladu sa odredbama Zakona o kolektivnom ostvarivanju autorskog i srodnih prava. Original je obavezan uraditi reviziju poslovanja za svaku godinu. Kako je 2018.godina bila prva godina u kojoj je Udruženje poslovalo kao kolektivna organizacija, urađena je prva revizija i sa zadovoljstvom obavještava da je nalaz revizora pozitivan. Rađene su dvije vrste revizije: revizija finansijskih izvještaja i revizija podudarnosti. Obje revizije su dostavljene članovima u materijalu za skupštinu. Pri izboru ovlaštene revizorske kuće su prikupljene tri ponude, od kojih je odabrana (UO i NO) finansijski najpovoljnija ponuda koja je iznosila 4.000,00 KM. Reviziju je obavilo Društvo za reviziju, računovodstvo i savjetodavne usluge „Ex Professo“ d.o.o. Sarajevo.

U skladu sa članom 19. Statuta, stavljaju se na usvajanje revizija finansijskog poslovanja i revizija podudarnosti.

Zvanično usvajanje revizija radi Skupština i pozivam članove da glasaju o usvajanju pojedinačno:

Skupština je jednoglasno (prisutni i glasovi u odsustvu) usvojila revizorske izvještaje a Predsjednica naložila da se objave na zvaničnoj web stranici Udruženja.

Ad.3. Predstavljanje Godišnjeg izvještaja Udruženja Original za 2018.godinu i odluka o usvajanju. Predsjednica Skupštine poziva prdsjednike Upravnog i nadzornog odbora da predstave izvještaje rada ovih organa.

Damir Uzunović, predsjednik UO navodi da je u 2018.godini Upravni odbor je održavao redovne mjesečne sjednice, od čega deset sjednica je održano online (Skype i mail korespodencija) i dvije sjednice u Sarajevu. Upravni odbor je donio 24 odluke iz oblasti svoje nadležnosti. Fokus u prvoj godini rada Udruženja Original kao kolektivne organizacije je bio na mapiranju korisnika i zaključenju ugovora. Stoga je i Upravni odbor u ovoj oblasti imao najviše posla. Stručna služba je uredno izvještavala Upravni odbor o poslovima iz svoje nadležnosti, a Upravni odbor je odlučio zajedno sa Nadzornim odborom da se održavaju izvještajni sastanci jednom mjesečno. Tako su počev od marta 2018.godine održavani informativni sastanci Predsjednika Upravnog odbora, predsjednika Nadzornog odbora, Predsjednika Udruženja i direktorice Stručne službe. Na ovaj način su svi organi Udruženja informisani o tekućim aktivnostima, mjesečnim finansijskim izvještajima i drugim aktuelnim događajima.

Ivica Rorić, predsjednik NO izvještava da je Nadzorni odbor je imao dvije sjednice u toku 2018.godine. Ovaj organ je aktivno pratio rad Udruženja, kroz izvještavanje i učešće na informativnim mjesečnim sastancima. Nadzor nad radom Udruženja je izvršen u januaru 2019.godine. Ovom prilikom je ustanovljeno da su djelovanje Udruženja kroz Skupštinu, Upravni odbor i Stručnu službu u potpunosti u skladu sa Statutom i zakonskom regulativom.

Predsjednica Skupštine se zahvaljuje se i poziva direktoricu Stručne službe Lejlu Gačanica da predstavi Godišnji izvještaj kroz najbitnije stavke. Lejla Gačanica je predstavila rad Stručne službe i poslovanje Udruženja kroz teme:

1. Obavljanje poslova kolektivnog ostvarivanja prava

Sklapanje ugovora o prijenosu neisključivih prava korisnicima

Objavljivanje usaglašene tarife o visini naknada

Naplata naknade za korištenje autorskih djela

Raspodjela naplaćenih naknada

Pokretanje i vođenje postupaka zaštite kod sudova i drugih državnih organa

Sklapanje ugovora sa stranim kolektivnim organizacijama

Druge aktivnosti koje su povezane s kolektivnim ostvarivanjem prava

2. Finansijski izvještaj za 2018.godinu

Prihodi i rashodi

Ostvarenje Finansijskog plana

Analiza ostvarenih prihoda

Predsjednica Skupštine poziva članove Skupštine da postave pitanja i otvara diskusiju.

Boris Maksimović postavlja pitanje šta će u praksi značiti realizacija bilateralnih ugovora tipa B. Direktorica Stručne službe odgovara da se radi o ugovorima sa stranim organizacijama za reprografska prava kojim se razmjenjuje repertoar, ali da se ti ugovori mogu sa vremenom mijenjati u ugovore tipa A koji podrazumijevaju razmjenu i repertoara i naknada. Odluka da se zaključuju ugovori tipa B leži u praksi da nove i male kolektivne organizacije na početku rada razmjenjuju samo repertoar.

Damir Uzunović potom pojašnjava kako će se repertoar Originala kompletirati kreiranjem adekvatne baze podataka i unošenjem podataka o bh nosiocima prava u istu.

Nakon što je diskusija završena i bez daljih pitanja, Predsjednica stavlja na usvajanje Godišnji izvještaj Udruženja Original za 2018.godinu.

Skupština je jednoglasno (prisutni i glasovi u odsustvu) usvojila Godišnji izvještaj za 2018.godinu a Predsjednica naložila da se objave na zvaničnoj web stranici Udruženja.

Ad.4. Odluka o korekcija Finansijskog plana za 2019.godinu je četvrta tačka dnevnog reda. Predsjednica Skupštine navodi da je Udruženje Original skladu sa Zakonom o kolektivnom ostvarivanju autorskog i srodnih prava na sjednici Skupštine održane 12.12.2018.godine usvojilo Finansijski plan za 2019.godinu. Kako se u prvih 6 mjeseci 2019.godine uočilo da postoji potreba za korekcijom, Upravni odbor je, zajedno sa konsultanticom ekonomske struke, uradio analizu Finansijskog plana te predložio izmjene. Izmjene se odnose na prihode i rashode. Na rashodovnoj strani su napravljene određene korekcije. Korekcije na strani planiranih prihoda su posljedica nedovoljnog odaziva korisnika reprografskih prava da izvrše svoje zakonske obaveze. Takođe, važno je napomenuti da PDV koji se obračunava korisnicima reprografskih prava na osnovu dostavljenih izvještaja o broju i vrsti uvezenih uređaja za fotokopiranje (uvoznici) i broju izrađenih fotokopija (fotokopirnice) nije dio novčane mase koja će biti raspodijeljena nosiocima prava, a u skladu sa odredbama Zakona o PDV-u, Udruženje je dužno platiti iznos PDV-a u mjesecu u kojem je izdalo račun. Stoga se predlaže umanjene iznosa prihoda za 50.000,00 KM.

Napravljene su manje korekcije na strani planiranih rashoda, odnosno predlaže se smanjenje planiranih rashodi za 3.000,00 KM.

Prijedlog korekcije Finansijskog plana za 2019.godinu je dostavljen svim članovima u materijalima za Skupštinu. Predsjednica Skupštine poziva članove da daju komentare ili dodatne prijedloge o prijedlozima korekcija. Komentara nije bilo pa se pristupilo glasanju.

Skupština je jednoglasno (prisutni i glasovi u odsustvu) usvojila Korekcije Finansijskog plana za 2019.godinu.

Ad.5. Odluka o prijemu u članstvo novih članova po pristiglim Pristupnicama. Prema odredbama Statuta, redovnim članom može postati isključivi nositelj prava na naknadu za privatnu i drugu vlastitu upotrebu djela, bez obzira da li je fizičko ili pravno lice, a koji je povjerio Udruženju ostvarivanje svojih prava zaključivanjem ugovora – Pristupnice. Odluku o prijemu u članstvo donosi Skupština Udruženja u skladu sa odredbama Statuta i Pravilnika o radu Skupštine. Udruženje ne može odbiti zahtjev za članstvo iz oblasti svoje djelatnosti (kolektivno ostvarivanje prava na naknadu za privatnu i drugu vlastitu upotrebu pisanih djela), osim ako je nosilac prava već sklopio ugovor za kolektivno ostvarivanje svojih prava u BiH iz oblasti djelatnosti Udruženja sa stranom kolektivnom organizacijom.

Predsjednica izvještava da su u periodu između dvije skupštine (decembar 2018. i juni 2019.) pristigle dvije pristupnice te konstatuje da su uredno popunjene. Pristupnice su dostavili: Kerim Lučarević i Amir Mašić.

Skupština je jednoglasno (prisutni i glasovi u odsustvu) odlučila o prijemu u članstvo Kerim Lučarević i Amir Mašić.

Ad.6. Ostala pitanja, Predsjednica Skupštine poziva prisutne da delegiraju druga pitanja ili prijedloge.

Za riječ se javio Damir Uzunović iz Upravnog odbora da najavi planirane aktivnosti:

- izrada baze podataka/softvera za obradu podataka i raspodjelu
- nastavak postupaka protiv korisnika (uvoznici i fotokopirnice) – sud i inspekcije
- nastavak međunarodne saradnje i zaključivanja bilateralnih ugovora (u planu Turska i Belgija)
- najava IFRRO eventa u oktobru 2019.godine u Sarajevu, o čemu će članovi biti obaviješteni
- lobiranje za izmjenu Tarife (Odluka Vijeća ministara).

Nakon što su se iscrpile sve tačke Dnevnog reda, Predsjednica Skupštine zaključuje sjednicu.

Sjednica Skupštine Udruženja Original je završena u 12:35h.

Zapisničarka



Lejla Gačanica

Ovjerivači zapisnika



Lejla Alić, predsjednica Skupštine Udruženja



Goran Simić, predsjednik Udruženja

Sarajevo, 18.6.2019.

Broj: RS/01/19